



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cura Salvtis, Sivæ De Statu Vitæ Mature ac Prudenter
Deliberandi Methodus**

Hevenesi, Gábor

Coloniae, 1716

VD18 13912755

Affectus.

[urn:nbn:de:hbz:466:1-50144](#)

rum prolium , uxoris deserendæ , vel rationum complanandarum , solvendorum debitorum cura tibi incumbet ? An , ubi curis temporalibus omnibus expeditus uni DEO , & animæ tuæ vacare poteris ? Prævide , ubi contra tentationes , quas tunc dæmon excitabit gravissimas , promptius subsidium , certiorem Patrum Spiritualium afflentiam , plura Spiritus solatia sis habiturus ? sed nec ejus oportet oblivisci , in quo statu plura post mortem suffragia , missas , preces sis obtenturus ? & his perpensis fac ea , quæ moriens facta fuisse voles . Elige , tanquam moriturus .

Affectus.

Domine vitæ ac mortis ! tuo beneficio vitam hanc debeo , quam tam ad nutum tuum restituere debebo ; quando autem , & quo mortis genere id præstare cogar ? in tuo stat arbitrio , Tu es Dominus meus ! fiat de me , de vita & morte mea voluntas tua . Hanc , in contestationem dominii tui & subjectionis meæ , de manu tua , quando cunque libuerit , libenter acceptabo . Unum hoc per bonitatem tuam suppler ter rogo , ut moriatur anima mea mor-

te Justorum! Psal. 23. Quia verò hæc
ab electione vitæ maximè penderet, diri-
ge consilia mea, ut eum mihi statum
eligam, in quo felicem mortem obti-
neam, & post hujus miseræ vitæ pere-
grinationem requiescam in pace!

Deliberans à Judicio extremo
petat Consilium.

I. **M**ulta licet sint, quæ mortis vel
memoriam homini amaram fa-
ciant, id tamen, propter quod jure me-
rito terribilium omnium terribilissima
habetur, illud est: quod post illam se-
vera de omnibus totius vitæ momen-
tis, de actionibus etiam minimis, de
verbis & cogitationibus singulis red-
denda sit ratio, & ab eo Judice; qui
etiam in Angelis reperit pravitatem, in-
evitabilis & immutabilis audienda sit
sententia. Hæc cogitatio eum timo-
rem incussit Hieronymo, ut ex ejus ve-
hementia fateri cogeretur: sive come-
dam, sive bibam, semper in auribus so-
nat meis terribilis illa vox: Surgite
mortui, venite ad judicium. Hæc vox
tot nobilissimos adolescentes abstraxit
à matrum ulnis, ex aulis evocavit ad
asceteria, à vanitate coëgit ad Religio-
nem.